



ORDENANZA FISCAL DA TAXA POLA SUMINISTRACIÓN DE AUGA E SANEAMENTO.

Artigo 1.-Fundamento e natureza.

En uso das facultades concedidas polos artigos 133.2 e 142 da Constitución e o artigo 106 da Lei 7/1985, do 2 de abril, reguladora das bases de Réxime Local, e de conformidade co que dispoñen os artigos 15 ó 19 da Lei 39/1988, do 28 de decembro, reguladora das Facendas Locais, este Concello establece a taxa pola prestación de servizos ou a realización de actividades administrativas de competencia local por “distribución de auga a domicilio incluídos os enganches á rede e outras instalacións análogas”, que se rexerá por esta Ordenanza.

Artigo 2.- Feito imponible.

Constitúeo a actividade municipal que se desenvolve con motivo da distribución de auga potable a domicilio e o enganche de liñas á rede xeral.

Artigo 3.- Obriga de contribuir.

A obriga de contribuir nacerá no momento de prestarse o servizo, logo da correspondente solicitude e autorización do Concello.

Artigo 4.- Suxeito pasivo.

Son suxeitos pasivos da taxa en concepto de contribuíntes, as persoas físicas e xurídicas, así como as entidades ás que se refire o artigo 33 da Lei Xeral Tributaria, que soliciten ou se beneficien dos servizos a que se refire esta Ordenanza.

Consideraránse substituídos do contribuínte os propietarios das vivendas ou locais ós que se lle preste o servizo, as cales poderán repercutir, se é o caso, as costas sobre os respectivos beneficiarios.

Artigo 5.- Base imponible liquidable.

A base deste tributo constituírse por:

-Na subministración ou distribución de auga: os metros cúbicos de auga que se consumirán no inmovible onde esté o servizo.

-Nas acometidas á rede xeral: o feito da conexión á rede para cada local comercial ou vivenda individual.

Artigo 6.- Cota tributaria.



A contía da taxa que regula esta Ordenanza será a que se fixa nas seguintes tarefas:

1.O importe desta taxa, cando se trate de licenza ou autorización de acometida á rede xeral de abastecemento de auga a domicilio, percibiráse por unha soa vez e ascenderá á cantidade fixa de 150€.

2.O importe desta taxa de abastecemento de auga a domicilio esixirase de acordo coas seguintes tarefas:

-Unha cota fixa de 3€ cada 4 meses.

-Polo consumo de auga potable de 0m³ a 90m³, cada 4 meses: 0,15€/m³

-Polo consumo de auga potable de 91m³ a 120m³, cada 4 meses: 0,30€/m³

-Polo consumo de auga potable de 121m³ a 180m³, cada 4 meses: 0,60€/m³

-Polo consumo de auga potable de 181m³ a 220m³, cada 4 meses: 1,20€/m³

-Polo consumo de auga potable de máis de 221m³, cada 4 meses: 1,80€/m³

3.A fianza para responder por obras que se realicen na vía pública será fixada polo Concello.

***A taxa contempla a subida do IPC.**

A contía resultante da aplicación das anteriores tarefas incrementadas co tipo impositivo do imposto sobre o valor engadido que resultase da aplicación.

Artigo 7.- Exencións, reducións e demais beneficios legalmente aplicables.

Non se recoñece ningún beneficio tributario agás os que sexan consecuencia dos que se establecen os tratados ou acordos internacionais, ou os que expresamente prevén as normas con rango de Lei.

Artigo 8.- Contador individual.

1.Toda autorización para disfrutar do servizo de subministración de auga levará aparellada a obriga de instalar contador, deben de ser individual para cada vivenda, con acceso a dito contador dende a vía pública e a unha altura de rasante de 0,80 ata 1,20m e deberá de colocarse nun lugar visible para que permita a lectura do consumo do mesmo.

2.Deberá de ir equipado de dúas chaves de paso, unha a cada lado do contador e a que está na saída ten que levar purgador e unha válvula de retención.



3.A acometida e o contador, debidamente homologado, serán instalados polo usuario nas condicións que lle marque o Concello e a súa supervisión, previa ó funcionamento, do responsable municipal.

4.Colocarase unha chave de paso estipulada polo Concello, entre a rede xeral e o contador a unha profundidade máxima de 40cm, dita chave será de cuadradillo cun diámetro de 25mm e cabezal cuadrado de 3x3.

5.As avarías do contador comunicaránse ó Concello e a súa reparación será por conta do usuario.

Artigo 9.- Saneamento e desaugüe.

1.O usuario está obrigado a facer unha arqueta de desaugadoiro na entrada de 40x40, para que no caso de atasco non haxa que romper.

2.A acometida será de polietileno cun diámetro de 25mm.

3.Se houbera que cruzar a vía pública, será por conta do usuario, debendo de pagar unha fianza para o arranxo de dita vía, así mesmo, o Concello determinará o tipo de tubaxe a usar non debendo sobrepasar ésta os 125mm.

4.A fianza mínima nomeada no punto anterior deste artigo será de 200€.

5.Fárase soamente un enganche por vivenda de abastecemento ou de saneamento.

6.O saneamento soamente se conectará as augas fecais, non se poderá conectar as pluviais sempre que exista este servizo.

Artigo 10.- Usos permitidos.

A subministración de auga a domicilio confírenlle ó usuario do servizo a facultade de consumir auga para usos domésticos e industriais, entendéndose por usos domésticos todas as aplicacións para atender as necesidades da vida e hixiene persoal, como a debida preparación de alimentos, limpeza persoal, doméstica e lavado de roupa.

Enténdese por uso industrial a subministración de auga e calquera local que non teña a consideración de vivenda, incluíndose neste concepto aquelas actividades instaladas ou anexas á vivenda, cortes, adegas, tendas, bares e semellantes.

Artigo 11.- Usos prohibidos.

1.Queda prohibida a utilización de auga da rede xeral e abastecemento para a rega de xardíns, fincas ou lavados de automóviles así como a utilización da auga para recheo de piscinas.

2.Está prohibido botar calquera tipo de vertido de orixe animal tanto ó saneamento como ás pluviais.



Artigo 12.- Carácter precario da cantidade da subministración.

1.O Concello en ningún caso garante a cantidade de subministración, que sempre terá carácter de precario para os usuarios, así como tampouco responderá nin se responsabilizará dos posibles danos, prexuízos ou estragos que puidesen causar nos bens dos mesmos a falta ou insuficiencia de caudal de auga.

2.O Concello, por resolución da Alcaldía, poderálle ordenar o corte da subministración de auga a calquer usuario que empregue a auga para usos prohibidos ós que se refire o artigo anterior e tamén por derivacións, avarías no contador non reparadas no prazo estipulado ou manipulación do mesmo.

3.A Alcaldía poderá ordenar o corte de subministración por falta de pagamento por parte do usuario de tres recibos consecutivos. A rehabilitación faráse despois do pagamento da débeda.

Artigo 13.- Responsables.

1.Responderán con solidariedade das obrigas tributarias do suxeito pasivo as persoas físicas e xurídicas a que se refiren os artigos 38.1 e 39 da Lei Xeral Tributaria.

2.Serán responsables subsidiarios ou administradores das sociedades, interventores ou liquidadores de creba, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

Artigo 14.- Obriga de pagamento.

1.A obriga de pagamento da taxa que regula esta Ordenanza nace dende que se inicia a prestación do servizo e a súa facturación e cobramento realizaráse con periodicidade de 4 meses.

2.O pagamento de dita taxa efectuaráse no momento da prestación da correspondente factura.

3.As débedas por esta taxa poderán esixirse polo procedemento administrativo de construximento, de acordo co Regulamento Xeral de Recaudación.

Artigo 15.- Infraccións e sancións tributarias.

En todo o relativo á cualificación de infraccións tributarias e sancións, ademáis do que prevé esta Ordenanza, ateráanse ó que dispoñen os artigos 77 e seguintes da Lei Xeral Tributaria e demáis normativa aplicable.